

Scalae senicae

Kielensis Schola

Kielensis Athenaei Eloquentiae Auditorum: Hecatomba
centenis celebratum victimis—
1747.

Scalae

N. 439

POETAE POLON.

N.

P

S

7
A
L

J

HECATOMBE

Centenis celebratum victimis,
Mille dedicatis olim absolutum cultibus;
Nunc iterum

In Aviti Stemmatibus Ara.

CELSISSIMI EXCELLENTISSIMI
ac REVERENDISSIMI DOMINI

D. ANDREÆ
STANISLAI
KOSTKA

Comitis in Załuskie

ZAŁUSKI

DEI & Apostolicæ Sedis Gra-
tiâ Episcopi Cracoviensis, Du-
cis Severiæ.

RENOVATUM

ac

In Theatrali Mensa Athenæi Kielcensis
a Sacrificantibus Magno Nomini, Solutæ Eloquentiæ
Auditoribus

INSTITUTUM.

Anno

Quo Agnus Cælestis se obtulit ad victimam.
1747. Mense Aprili.

In Avitum
JLLUSTRISSIMÆ Domûs
Insigne.



BIBLIOTHECA
UNIV. JAGELL.
ORAGOVENSIS

33827 *lv*

Lechia, ne longè Colchos pro vellere tentes,
Nec de Purpureo murice quære Thetym!
AGNUS pro lana, celsus pro murice Sangvis,
Stat sibi, sicq; DOMI, Purpura digna rubet.

Ad Celsissimum Excellentis-
simum & Reverendissimum
Mecænatem.



*Paradoxum est quod evenit, dum inquilina
latebrarum crimina, in lucem prodire con-
tendunt. PRINCEPS CELSISSIME, PRÆ-
SUL ILLUSTRISIME, MECÆNAS
& Protector noster Gratosissime. Quid
enim (teste rerum animo) magis commu-
ne vitiis? quàm velle latere. Odit lu-
cem frons pessima, nè ad Cæli oculum
suam cogatur legere malitiam. Hinc non dispar illi naturæ
dos, ac, quæ vilioribus terræ partibus data; ubi has jam hu-
mi serpere, iam intra telluris viscera, veluti quodam carce-
re claudi, ignobilis fecit conditio. Plus quàm ad solem in
Principe volucrum id spectare libeat; hanc quia nobilissima
sors nascendi, ante fidem solis, judiciamq; poli producit, ideo*

ſpectaculo cælis aquilas videmus; & roſis, quas illuſtres veſtiunt Purpuræ, Liliis, quod argenteo candeat byſſo, non caliginosa plaga locus, niſi aut præſtantiffimus Hymettus, aut Cælo contermina Semiramidis vireta. Jam quidquid aridorum ſtolonum imitatur naturam, aut in deformes urticas vel lolia degenerat, aut mortalium fugit palpebras, & veluti in probrum orbi creverit, intra agreſtia ſe ſe condit ſepta. Idem crimini, criminumq; pediſequis à natura cenſebamus proviſum, ni oppoſitum Celtogalatiæ Principis Filius edoceret; non veretur hic publicum prodire in Theatrum, eſi mens conſcia ſui, latere optaret. Quinimo, non contentus, in Theatrali ſcena cunctis exponi, plura audet, dum non attento frontis pudore, TUIS CELSISSIME ac EXCELLENTISSIME PRINCEPS ſe confert oculis; atq; ultrò ſivè victor ſivè victus evadat, nititur ante Tribunal Tuum, tanquàm portum & aſylum periclitantium, comparere. Cancellarii Majestatem, atq; adeò ſummam poteſtatem Fori, etiam hodie pertinaci in Te colit reverentia; fortiter perſuſus, Titulos non Titulorum Officia ſæpè omitti, præcipuè cum juratus ſemel in Crucem ANDRÆ amor, exigat à TE, ut nunquam ſuſtinere afflictorum deſinas cauſas. Proinde non mireris PRINCEPS CELSISSIME, ſi reus TE appellat Florimundus, gaudet à ſtatera pendere TUA, cui parum abeſt ut iam triumphet, cum Jllum ſciat eſſe ſibi Præſidem, qui pro congenita JLLUSTRISSIMO Junosæ virtute, ſe gerit manſuetiſſimum. Ad hæc, ubi iam Superum non reclamante Senatu, ſalutem in pedibus Mariæ adeptus; minime desperat, quin Tuis in pedibus aures, favoremq; reperiat ſententiæ. Benè ſiquidem conſtat, ZALUSCIOS cum cælitibus convenire ſemper, ut quidquid ſuperis ratum, vel ingratum ſit, pariter & Jllis; quorum jam Religio in DEUM, iam fides erga Majestatem, iam integritas in Patriam, pridem tranſtulit aureo ſculpenda Nomina Cælo: ut merito quotquot hac de Stirpe viros ſuſpicimus, omnium Nomina videmus adoranda ut Numina, cunctos Sacra in terris Apotheoſi, cernimus attollendos. Non recenſemus hic Magnorum elenchum Nominum, non excitamus quieſcentes Aboriginum Manes, nè aut minus paſifici, capitis arguamur, aut laudibus impares, quia elingves Eloquentiæ Auditores, ſilere cogamur, non loqui: ut potè, Jllorum

lorum Genesim explicare, quorum ortum magis mirari, quàm
 nosse expedit. Cui etenim non in comperto est Domus Ve-
 stræ fundamenta, Patriæ angularem esse lapidem? tantam
 à vetustate contraxisse iam gloriam, quantum Annis, sum-
 mis Polonia gloriatur Statoribus. Hinc à fœderato vobis
 nexu, cum ILLUSTRISSIMIS in conspectu orbis Prosapiis,
 OLSZEWSCIORUM, KARNKOWSCIORUM, PRA-
 ZMOWSCIORUM, DUNINORUM, PODKANSCIO-
 RUM, OSSOLINIORUM, LANCKORONSCIORUM,
 FREDRONUM, KONIECPOLIORUM, CHLEBO-
 WSCIORUM, RADZIWILIORUM, LESZCZYNI-
 ORUM, GRANOWSCIORUM, CZAPSCIORUM, MOR-
 SZTYNORUM, WISNIOWIECCIORUM, SZANIA-
 WSCIORUM, JABLONOWSCIORUM, KORYCINS-
 CIORUM, DZIAŁYNSCIORUM, KROSNOWSCIORUM,
 RADZIEJOWSCIORUM, OBORSCIORUM, LIPSCIO-
 RUM, KUCZBORSKIORUM, KAZANOWSCIORUM,
 PSTROKONSKIORUM, DENHOFFORUM, CIECI-
 SZEWSKIORUM, DĄBSCIORUM, MOKRZANO-
 WSKIORUM, STRZAŁKOWSKIORUM, cæterorūq; præ-
 ter assentationis periculum fatetur quilibet, nullam in or-
 be Polonæ fore Purpuram, quæ Vestri Sangvinis non lam-
 bat Erythram; nec est tam clarum Nomen, quod satis ful-
 goris habeat, citra ILLUSTRISSIMAS ZAŁUSCIORUM
 Ceras. Factet Roma Decios, veteranosq; Camillos fortunæ suæ
 Atlantes, non vilior fors Poloniæ, à ZAŁUSCIORUM
 Domo æstimatur; sive Consos in consiliis, sive Romulos in
 bellis, sive Numas in religione, sive Catones in sententia,
 necessitas Patriæ aliquando requirebat. Celsa Consangvini-
 tatis Arbor his fructibus pullulat, & quidquid parturit, ad
 gustum est. Placeat è millibus unum (singulos enim re-
 vocare, sensus nos deficeret) memorare ILLUSTRISSIMUM
 ac EXCELLENTISSIMUM ALEXANDRUM JOSEPHUM
 Comitem in Załuskie ZAŁUSKI, Palatinum Ravensem, Tu-
 um Antistes Reverendissime Genitorem lectissimum; Hic cer-
 tē, Magis Ajacibus Ajax ortus, non immeritō Macedonis sibi
 Nomen vendicavit, nisi simul & gloriam: dum magnum Re-
 bus publicis momentum, in Generali Varsaviæ Convocatio-
 ne, Annō Salutis 1648. acriter pro immunitate Ecclesiæ stan-

do conferret. Fecundum illi fuerat, fatifcentis Regni curis, Atlantem supponere lacertum, ludus erat, ultrò obviare periculis, cum tempestas Patriam inundasset. Hinc alii Bellonâ progenitum, alii ad fortunam publicam natum credebant, utrumq; Illi veris probavit argumentis. Non preterire hic licet, ut Sanguinis ita virtutum gradu venientem, **CELSISSIMUM ANDREAM CHRYSOSTOMUM ZALUSKI S. R. J. Principem**, primò Kijoviensem & Czerniechoviensem, dein Plocensem Episcopum, tandem Varmiensem & Sambiensem Ducem, & **PRÆSULEM EXCELLENTISSIMUM**, Supremum Regni Cancellarium; non sine factorum arbitrio, dies Illi communis cum **CHRYSOSTOMO** fuit, qui Eum ut in lucem, ita & Purpuram effudit. Illi certè, ortus **CHRYSOSTOMO** dies, Tiaræ Sanctioris omen auspicatus, & aureæ non jam rorem, sed torrentem in linguam venæ. Et erat, in quæ aurea hæc Lingua detonaret; pro una Eudoxia, mille, temporum malignitates, objecere fata; semper tamen **CHRYSOSTOMI** Virtute superavit, semper plausus excivit, adeò, ut exemplum posteris relinqueret, quod magnis Ingeniis ubicunq; statio est, ibi Theatrum & plausus. Hæc posthuma est **ZALUSCIORUM** fama, & quidquid hactenus Nostra svada elocuta est, virtus causa est, quæ inter Sarcophagi silentia vocalis, & post occasum illustris, æternaturum Gloriæ accendit meridiem. Nunc itaq; ad splendentia præsentis ævo Sydera, vultum convertere placet Tullio. Et prima fronte, primum veluti Cæli mobile, quia multi post **TE MECÆNAS ILLUSTRISIME**, honoris jubare secundum, provocat in se palpebram **ILLUSTRISIMUS ac REVERENDISSIMUS DOMINUS MARTINUS ZALUSKI** Episcopus Dresdensis, Suffraganeus Plocensis, Regni Secretarius, qui propter rectefactorum magnitudinem, & pectoris capacissimi immensitatem, binò orbe divisus, utrumq; famâ implet & meritâ; dum scilicet ita Regni tractat penam, ut Dresdensi velox non desit Insulæ: quasi non satis esset, suo patrio probari sole, nisi etiam inter exotica Sydera contingat eminere. Eruditioni credo præsentis Sæculo: testudinem esse propriis se circumscribere laribûs, domumq; suam Secum portare; Aquilarum verò, toto orbe cæloq;

cæloq; versari. Non ut exigui fontes, intra domesticos contenti torpescunt alveos, sed magnorum fluminum Nomina, Patris Oceani sequuntur naturam, dum in immensum exundant orbem. Mitto cæteras ILLUSTRISSIMI PRÆSULIS dotes, quas tenuiori svada enarrare non sufficit. Hæ satis superq; enitent, in ILLUSTRISSIMO ac REVERENDISSIMO DOMINO JOSEPHO ZAŁUSKI S. T. & J. U. D. Supremo Regni Referendario, Abbate Fontaneti, Assessore Statuum Burgundiæ Consiliario, Prælate Honoris Parlamenti Nancejani, Fræposito Varsaviensi, Canonico Cracoviensi, in quo virtutes an dignitatem, eruditionem an animi Majestatem, expendendum sit? difficile est cogitare, ne dicam exprimere. His enim abundat, quæ non unius sed omnium scriptorum manus, Historicorum calamos, Panegyres vatum adimplerent. Si innocentiam in illo desideras? candida JOSEPHI fersa, virum declarant Justum. Si magnanimitatem pectoris? ex rectefactis metire; si demum scientias requiras? antiqua est severioris musæ gloria, vivæ Sapientiæ Imago, lux ingens, & fama Scientiarum vocalissima, circumfert passim [in quo minimè laborat encomiorum veritas] ILLUSTRISSIMUM REFERENDARIUM Aquinatici Solis radios in perspecto habere, Cælum Theologicum mente versare, quorum alterum, ingeniorum Aquilam Illud declarat, probat alterum Intelligentiam. Non memoro hic cæterarum scientiarum eminentiam, an enim latet quenguam, quod in vertice Illius, quævis Eruditio triumphos agit, laureas explicant exoticæ lingvæ, Regni verò Statuta immensum Capitolium habent, Illius Caput. Sed arduum est, ut per gloriam, ita per singula DOMUS VESTRÆ ire Nomina; sæculorum non unius diei labor est, pro condigno ZAŁUSCIANÆ Stirpis perorare. Facundè dixit, quisquis oraculi instar protulit: quod colit Vos orbis ut Aborigines Maximos, quia non aliam è Lucinæ sinu nacti estis lucem, quàm primam, non alios splendores, quàm Phæbi æmulos. Viderat tales Roma in Numa, Sicilia in Agathocle, Persia in Xerxe, Macedonia in ALEXANDRO, cum DOMUS VESTRA, ac si Regia solis esset, omnem ab atriis eliminaret obscuritatem, adeò, ut nihil non

splendidum, nihil non dexterum, nihil non scientificum sit, quid-
quid intra domesticos ZALUSCIORUM Penates Lucina pro-
tulerit. Hactenus per Digressoris Figuram in alium, desu-
datum est eligiis: Nunc ad Tuos CELSISSIME ac REVEREN-
DISSIME MECÆNAS cultus, sollicita se reflectit svada. Sed,
Dii boni! quot quantaq; occurrunt prædicanda! ita, ut in pri-
mo passu errare sibi cogitet Tullius Noster, ubi immensum
laudum Tuarum aggreditur iter. Sanè illud nobis expedit,
quod olim Stilliconius Vates (difficiles increpando modos)
ad Chelym prælusit: Non mihi centenis resonent si vocibus
ora, multifidusq; ruat centum per pectora Phæbus, acta Pro-
bi narrare queam. Talem equidem Te superi terris con-
cessere, qualem Cæli de jure inviderent, qualem Patria
diu sibi vovebat, & per retroactas annorum centurias, Re-
ligio ab astris precabatur. Laborant secula ut magnos
pariant; Tu vero PRINCEPS CELSISSIME, cum à virtu-
te & meritis sis maximus, non mireris quòd in provecta
orbis ætate, è Lucinæ gremio in lucem produisti. Quare
non aberrabimus, si majoribus Tuis majorem Te dixerimus,
quia compendiosa es omnium Historia, viva concentrata
Illorum gloriæ Flias, memorabilium ab Illis gestorum per-
fecta Mappa. Unde qui Te proclamant, non tacet Abori-
gines, meminit Prædecessorum gloriæ, quando memor est Tui.
Ad solatium ingeniorum id censemus, quod quicumq; con-
catenatæ Prosopiæ seriem, dictioni innodare cupit, Tibi u-
ni expedit esse alligatum, Te pro cunctis loqui; quoniam
& eloquio es fluidissimus, & Titulis altissimus, & præter
virtutum flores, alter à Præsuleo murice Rosinus, à can-
dore in Patriam, plus quàm Eques liliatus, immortalis fa-
mæ lituo ab omnibus promulgandus. Volupè est, etiamnum
hodie Cancellarii Majestatem Honoris, in pagina depingere.
In hoc Officii culmine demonstrasti orbi, quod ut unum-
quemq; Sua distinguunt Nomina, sic decora discernunt. Dum
scilicet ad exornandum Sigilli decus, mille virtutum eru-
ditionumq; flores collegeras, ut semper cultè responderes,
quoties à Majestate rosas loqui non verba contigerit.
Stupuit Civilem in TE Svadam Curia, quòd dum alii res
loquuntur, tu aurum ab ore fundere visus; vel minima
effa-

effata TUA Statisticae fuere maximae, quando ad illius styli adamussum voces effingebas, quo amor Patriae utitur & libertas Polonorum. Trahebas ergo in TUÆ filo Svadae etiam ferrea pectora, Ipse magnes Cordium, Sarmatiae os & æs vocalissimum, semper Patriae secundam sonans horam. Ponderosa quævis fuit dictio, nullius tamen gravis auribus, licet quandoq; Catilinarias cum Tullio, Philippicas funderes cum Græciæ Oratore, Cyneas redivivus. Optabilis quies Tibi erat pro Republica desudare, elogiorum verò optimum censebas, bene mereri de omnibus, nec Titulos venari, sed publicæ fortunæ aucupio immorari. Fecisti id supra spem & vota, quoties Regni negotia negabant Tibi otia, incurrebant res magni momenti, appendebas illas in slate-ra Cancellariæ Themidis, nec ipse inventus es minus meritum habens, quàm Hermus obryzi, Gauges unionum, Hydaspes arenæ. In hac quoq; lance ipse repositus adeò valuisti Vir ponderosi meriti, ut in summum pretium, æstimationem maximam, apud Augustissimum AUGUSTUM III. Poloniarum Regem venires. Præclarum hoc est, & laudum Tuarum non ultima, quod Magnatibus placueris, Officiiq; gloriâ comprobaveris. Interim dum operæ Tuæ pretiò nunquàm satis æstimandò utitur Majestas, suam conchylium gemmam, Te nempe STANISLAUM tanquam proprium sibi Craciæ rupes in sua vocârunt ornamenta. Cujus urbis quod còusq; distuleris ingressum, auscultare est, quanta ultra Carpati juga, per fines totius Diecæsis errat echo: Exorere! exorere! cur gaudia differs! Præstolari nihilominus Te cogitur, eò, quod ab aggregatis undiq; plausibus, & eorum quos linquis affectibûs onustus festinare non possis. Ita es amor omnibus, expectationi cunctis, nulli non solatio. Et hoc est, quòd victimarum ritu solenne pariter est omnibus, in aviti Ara AGNI, Tuo se immolare Honori, dum per ora & oras ubiq; canitur, quod ILLUSTRIS-SIMUS JUNOSZA dignus est ubiq; accipere honorem, & gloriam. Idem quoq; nobis Te colendi studium, ac pertinaci obsequio, obsequentissimâ reverentiâ Hecatomben Magno Nomini veluti in terris Numini, in Aviti Stemmatibus Ara instruendi. Hecatomben apparamus, nam corda [quod est jure

C.

juge sacrificium] pur6, ab adulationis fūco, ardentia amore
in perennaturum TIBI Præſulum Devotiſſime ſacrificamus
cultum. Et quia in Theatrali Menſa inſtruimus, ut palam
ſit, non tantum Florimundum in ædibus Agni invenientem
aſylum, verum nos omnes SZANIAVIANI Arietis ſobolem
TUO JUNOSZÆ uſq; ad aras, eſſe obæratos. Perrmit-
te igitur PRINCEPS CLEMENTIſſIME (quia ab Aris
arcetur nemo) pro Corollario laudum hoc votivum appen-
dere Anathema: talem à Majoribus ad ſumma Honorum
culmina capaciſſimum JUNOSZÆ moveas grefſum, ut o-
riunda inde immenſitate gloriæ terrarum orbem, orbis Ma-
jeſtatem, Majeſtate impleas univerſum. Singuli & omnes
apprecantur.

Illuſtriſſimæ Celſitudini
Vestræ.

Devotiſſimi Solutæ Eloquentiæ
Auditores in Athenæo Kielcenſi.

HISTORIA

S Alutis suæ in tuto firmavit stationem, cum ad pedes MARIÆ, Filius Principis in Celtogalatia; (nobis Florimundus) qui in regia vivit, primùm ad Leges DEI & Matris Ejus Instituta, dein Libero inserviens Patri, liberiori indulget vitæ. Quam ob rem proscriptus aulâ, prædonum se jungit consortio; horum ut Primipilus captus carceri mancipatur. Desperabundo inibi Stygis Genius promptum pollicetur auxilium, si Christo renuntiet? paret nefandus! Virginem tamen Deiparam execrari renuit. Pati jam debitas debuerat pœnas: en, ubi ductus ad supplicium subintrat Sacellum, Effigies Virginis Matris orantem figentemq; oscula Sacris suis pedibus, tam arctè amplexata, ut nullâ vi hominum avelli posset. Liber itaq; hoc declaratus portentò, renuntiat mundo. *Alexander à Salo, de arte amandi collendiq; piè B. V. M. Leonardus Mayr in Calend: Mariano.*

PROLOGUS.

Genius Florimundi decumanis obrutus fluctibûs, Stellam maris invocat MARIAM.

INTERLUDIUM.

ACTUS Imus.

Scena Ima.

Alaricus Celtogalatiæ Princeps, initurus bellum cum Africanis

fricanis, Boniorbum Generalissimum promulgat, in comitatum adjungens & Florimundum Sacri Labari (a) Portitorem; virtute ac pietate promotum, & in signum benevolentiae annulô honoratum.

Scena 2da.

Florimundus antiquae pietatis memor, secedit in sacellum Deiparae, Ejus Patrocinio commendaturus successus belli. Ubi has: *Salus in pedibus*, ad partem videt notas; in cujus perplexitate sensûs hærens, ad Vulpiani invitatur epulas.

Scena 3tia.

Venientem Vulpianus Florimundum, simulatâ amicitia, blandis inducit verbis, ut à capto desistat itinere, asserens Regem in perniciem ei hanc contulisse dignitatem. Renuens nonnihil Florimundus, in accepto illud relegit Libro (b) *Ante pedes cæcis lucebit semita nobis*, Vulpiano hanc perplexitatem fraudulenter explicanti, & illud quoq; in æde Virginis: *Salus in pedibus*, lectum refert, ac doloso Vulpiani acquiescit consilio. Affectûs ergo, Gemmâ à Rege acceptâ Vulpianum donat, mittitq; ad Boniorbum, ut alium in sui substituat locum. Interea liberalius epulis indulget, & choreis.

Scena 4ta.

Postquàm advertit ingurgitatum merô Florimundum Vulpianus, succedere sibi technas gestiens Regiam petit, eundemq; jussa Regis temnentem incusat, è dovoto Principe potatorem, & choragorum antesignanum nuntiat.

Scena 5ta.

Jratus Monarcha, rebellem incarcerari jubet Florimundum, ac, ut se Principi Hermeti à decem jam annis (c) in cæco ergastulo delitescenti, jungat, Vulpiano mandat.

Scena 6ta.

Inclusus carceris antro Florimundus, ubi edormivit crapulam, salutat Principem Hermetem, præ squallore carceris jam animam agentem, qui emortua voce redonans salve Florimundo, Testamentô Nomen suum legat, ut ab-
hinc

hinc se Hermetem apellet rogans, commutatîsq; ad id vestibûs, fatis cedit.

INTERLUDIUM.

- (a) *Vexillum: Flammula dictum à B. V. submissum, contra Ethnicos solos explicari solitum. P. Kwiatkiewicz.*
(b) *Libro 2. Elegiarum.* (c) *Bejerling Titulo Captivitas.*

CHORUS Imus.

Fraudi dolus succedit sed dolendo sibimet eventum.

INTERLUDIUM.

ACTUS 2dus.

Scena 1ma.

Laodicenses Legati (d) adacti precibus Medolanensium, ubi marî non poterant, pedibus prærupta montium transmeando, venerant eliberandi Hermetis causâ, ad quorum postulata Alaricus, Vulpiano, ut liberum Legatis restitueret Hermetem, committit.

Scena 2da.

Exequens iussa Regis Vulpianus, ergastulum adit, Hermetem evocat, responder Florimundus ex pacto cum Hermete: adiungit; quem liberum Legatis non sine gratulatione reddit.

Scena 3ta.

Gestiens animò Florimundus tandem illa verificari oracula: *Salus in pedibus*, pedibus inquam venientium Legatorum, nec non: *Ante pedes cæcis &c.* non videntibus se esse Florimundum, statuit ex Vulpiano sumere ultionem. Quare subductus à legatis, ad facilius sumendam vindictam jungit se consortio prædonum.

Scena 4ta.

A Boniorbi Præcursore ex expeditione redeunte, agnitus Antesignanum ficariorum agere Florimundus, cum eidem Mortem inferre statuit, ab appropiantis militis tympanorum terretur sonitu, & salutem propriam in pedibus quærit.

D

Scena

Scena 5ta.

Petens Boniorbus Aulam, incidit in saucium missum à se Præcursorem, à quo edoctus Florimundum esse vulnere causam, Regi, unà cum Triumphis Florimundi, explicat scelus.

Scena 6ta.

Alaricus jubet acciri Vulpianum, cui exprobrans elibérationem Florimundi contra sua mandata, ubi advertit in manu ad pedes deprecantis annulum, olim datum Florimundo, intellexitq; ab ejusdem Ephæbo, dolô Vulpiani Florimundum rebellem sibi, Vulpianum ad carceres condemnat: Boniorbo verò, ut pro capiendo Florimundo selectam mittat cohortem, mandat.

J N T E R L U D I U M.

C H O R U S 2dus

Dum alii licentiosæ vitæ indulgentes, Divinâ puniuntur Justitiâ, solus MARIANUS Cliens, factorum victor triumphat.

J N T E R L U D I U M.

A C T U S 3tius.

Scena 1ma.

Captus à milite Florimundus, sistitur ante Thronum, quem Rex adjudicans carceri, pro ferendâ Sententiâ Rhadamantos adesse jubet.

Scena 2da.

Sedentes pro Tribunali Judices, Florimundum pluribus sceleribûs convictum, morte condemnant.

Scena 3tia.

Intrusus antro Florimundus, ubi in mentem revocat Marris monita, adest personatus erebi Genius, suamq; ei pollicetur operam in eliberatione, si sibi obtemperare velit.

Scena 4ta.

Latam ab Afsefforibus Tribunalis, unà cum milite Colonellus, mortis sententiam incarcerato promulgat; hâc audita

ditâ unum flagitat, ut in proximo Sacello ad pedes MAR-
RIÆ, suæ animæ dedicet salutem.

Scena 5ta.

Assentiente suis votis Colonello, intrat ædem Virgini
Sacram; ubi prostratus ad pedes, post litatam ardentiori-
bûs precibûs morulam, dum Jisdem ultimatò figit oscu-
la, in arcto amplexu auxiliatricem experitur manum.
Quô Thaumate desperatæ redditus saluti, illa in se adim-
pleri subintelligens: *Salus in pedibus, & Ante pedes cæ-
cis &c: mundo dicit vale.*

(d) Idem Bejerling Titulo eodem.

J N T E R L U D I U M.

EPILOGUS.

Ad constantem MARRIÆ cultum adhortans.

Ad M. D. G. B. V. M.

S. L. O. C. Honorem.





